

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

V. Consideratio & affectus de Omnipotentia Dei. Feria V.

[urn:nbn:de:hbz:466:1-50863](#)

tem substantialem in refectione spirituali
accipio; ab eo quoq; vitam æternam spero,
juxta promissa: *Qui manducat hunc pa-
nem vivet in æternum.* Joān. 6.

V. Consideratio \mathfrak{E} affectus de
Omnipotentia Dei.

F E R I A V.

I. O Mnipotens sempiterne Deus, quem
admodum natura tua Divina est in-
finita; ita quoque potentia tua undequaque
infinita est: quâ potes, præter jam crea-
alia & alia producere sine fine: alios ca-
los, alios mundos, Angelos, homines per-
fectiores, & perfectiores in infinitum:
Subest enim tibi, cum volueris posse. Sip. 12
Tu potes omnipotentiae tuæ virtute cre-
ata omnia annihilare, reproducere, trans-
mutare, elementa confundere, solem si-
stere, mari & ventis imperare, panem in
corpus, vinum in sanguinem convertere,
morbos curare, mortuos suscitare, atque
hæc omnia potes per teipsum, sine diffi-
cultate, sine exemplari extraneo, sine ma-
teria, aut temporis morâ. O Deus! quâm
mirabilis est potentia tua! demissè eam
revereor & profundè adoro. Extende,

quælo

quæso; in me potentem dexteram tuam, ac perfectiorem & perfectiorem indies me effice, ut tibi evadam gratior, & ad tremenda mysteria tua peragenda dignior. Transmuta me in virum alium, annihila veterem hominem, & reproduc novum, impera ventis passionum mearum, ut in anima mea, præsertim divinis intenta, si-
at tranquillitas magna.

II. Huic omnipotentiæ tuæ, mi Deus, veluti fundamento, præcipua fidei nostræ dogmata innituntur: ut de creatione, conseruatione, & gubernatione Mundi. In hac fundantur mysteria Incarnationis, Resurrectionis, visionis beatificæ, ac præcipue Venerabilis & admirabilis Eucharistie, quæ stupendum est miraculorum compendium. Et licet ea intellectus nostri tenuitas non affequatur; suppositâ tamen omnipotentiâ, sapientiâ, & verbi sui veracitate, haud gravatè assentitur. Credo itaque Domine, omnia Religionis nostræ mysteria à te nobis revelata, & per Ecclesiam tuam proposita: quia tu dignissimus es cui loquenti fides adhiberetur, & credatur quidquid de stupendis

P 6

ope-

operibus ac prodigiis tuis nobis revelas.

III. Et quis non credat tibi, ô potentissime & veracissime Deus ! licet alta & intellectus nostri exigitatem superantia reveles ; si vel ea, quæ indies in cœlo, & in terra operaris , admiranda expendas ; quis non speret in te , si ad innumerabilia in omni vita, accepta beneficia reflectat ; quis non fidat tibi omnipotenti, promittenti , & volenti ? cùmque de tua promissione & voluntate constiterit, cui de omnipotentia ambigere licebit ? Venio itaque ad te Deum omnipotentem in Sacramento Altaris absconditum , cum leproso dicens : Matth. 8. *Domine si vis potes: immundus sum, si vis, potes me mundare: infirmus sum, si vis, potes me sanare: tepidus sum, si vis, potes me accendere.* Gaudeo quod omnipotens sis ac possis: gaudeo quod omnipotentia tua constituta sit in manibus benevolæ tuæ voluntatis : quidquid ab hac processerit , bonum erit atque utile mihi, tibi verò gloriosum. Amen.

PL. CXX.